



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tora nevi'im u-ketuvim**

**Leusden, Johannes**

**Amstelodami, 1667**

Psal. Cxliii.

**urn:nbn:de:hbz:466:1-39406**

מזמור לדוד א

קמג

תגמל עלי:

*Psal. CXLIII.  
Oratio, ex-  
primens  
affectum  
& luctum  
animi, ex-  
pectatione  
gratia Dei  
paene fati-  
scens,  
ejusque  
opem con-  
tra impro-  
borum per-  
secutionem  
efflagitan-  
tis.*

יהוה שמע תפילתי האזינה אל תחנוני באמנתך

ענני בצדקתך: ואל תבוא במשפט את עבדך כי לא

יצדק לפניך כל חי: כי רדף אויבי נפשי דבא

לארץ חיתי הושיבני במחשכים כמתי עולם:

והתעטף עלי רוחי בתוכי ישתומם לבי: זכרתי ימים

מקדם הגיתי בכל פעלך במעשה ידך אשוחח:

פרשתי ידי אליך נפשי כארץ עיפה לך סלה: מהר

ענני יהוה כלתה רוחי אל הנסתר פניך ממני

ונמשלתי עם ירדי בור: השמיעני בבקרי חסדך כי

בך בטחתי הודיעני דרך זו אליך כי אליך נשאתי

נפשי: הצילני מאיבי יהוה אליך כסיתי: למדני

לעשות רצונך כי אתה אלוהי רוחך טובה תנחני

בארץ מישור: למען שמך יהוה תחני בצדקתך

תוציא מצרה נפשי: וכחסדך תצמית אויבי והאברת

כל צררי נפשי כי אני עבדך: קמד לדוד א

ברוך יהוה צורי המלמד ידי לקרב אצבעותי

למלחמה: חסדי ומצודתי משגבי ומפלטי לי מגני

ובו חסיתי הרדד עמי תחתי: יהוה מה אדם ותדעהו

בן אנוש ותחשבהו: אדם להבל דמה ימיו כצל עובר:

יהוה הט שמיך ותרד נעבהרים ויעשנו: ברוך ברק

ותפיצם שלח חציק ותהמם: שלח ידך ממרום פצני

והצילני ממיסרבים מיד בני נכר: אשר פיהם דבר שוא

וימינם ימין שקר: אלהים שיר חדש אשירה לך בנבל

עשור אזמרה לך: הנותן תשועה למלכים הפוצה

את דוד עבדו מחרב רעה: פצני והצילני מיד בני נכר

אשר פיהם דבר שוא וימינם ימין שקר: אשר בנינו

כנטעים מגדלים בנעוריהם בנותינו כזית מחטבות

תבנית

*Psal. CXLIV.  
Gratias  
agit Deo,  
cujus auxi-  
lio hostes  
bello supe-  
raverit:  
ejusque cis-  
ra ac pro-  
videntia,  
& sese, &  
populum  
suum, com-  
mendat.*